



17322

kat.komp.

I

Mag. St. Dr.


P

Kotyński Ioannis Suspen
belli Korschovskii.

PANEG. et VITAE

Polon. 4^o

№ 1080.



A V S P E X

Belli Moschouitici

A

VLADISLAO QVARTO

*Potentissimo Poloniarum REGE suscepti, Clarissimo
ac Excellentissimo Viro Dño,*

D. M. IACOBO VITELLIO
Canonico ad S. Annā: Collegæ Maiori: Elo-
quentiæ Tylicianæ Professori. &c.

Per

IOANNEM KOTRNSKI. Alm. Acad. Crac.
*Studiosum, Lyra cantu euocatus, & Xenii no-
mine propositus,*



CRACOVIAE, In Officina Antonii Wośin-
ski, Anno Domini, 1634;



Prophasis.



*Q*uam omnes optimarum artium cultores
ex puluerulento laboriosa Palladis stadio
in lucem oculosq; hominū egressuri, apud
amplissimos literarum Mecenates gratiā
humanitatemq; sibi pollicentur: eam ego
Clarissime & Excellentissime Domine Tyro licet, & magis
recenti doctissimorum virorum exemplo, quā gloriā atq;
commendatione ingenii excitatus, cum tibi laborē meum esti-
matione quidem paruum, sed ardore animi maximum adfe-
ro, benignos fauores tuos solitamq; humanitatem inde me re-
laturum confido. Perstringit quidem oculos mentemq; meam
eruditionis Tuae reconditoris maiestas, operis verò exigui-
tas in celebrem sapientissimorum virorum conspectum pro-
dire reformidat, sed minimo cuius etiam probe nota perspe-
ctaq; Tua humanitas non dubios, opera huic meae, beneuolen-
tia promittit fauorios. Cui enim rectius q̄ me debebatur hoc
qualecunq; lucubrationis opus, quam tibi, cuius semper ma-
gnum in me expertus sum amorem. & in docendo fidelitatem:
qui ita doctrinarum nobilitate flores, ut Academiam
bonarum artium alexicera nobilissimam, non solum apud pra-
sens, sed etiam futurum commendes seculum; ita eximio vir-
tutum splendore praeluces, ut cum pridē vixeris, in sera victu-
rus posteritate, viuere quotidie incipias. Præliba igitur
serenā fronte Tua exiguum hoc, quia laboris mei; summum,
quia Regis Inuictissimi, primū obseruantia in te mea argu-
mentum, & me dignitati Tuae maiora meditantē benignis fa-
uoribus complectere.

❁ ❁
O D E.

Magne Rex Magni domitor Trionis
Vltor Europæ: Tibi supplicâsse
Gaudet Arcturus, manibusq; credit
Fræna Polonis.

Cynthiam Phæbus pede dat premendam,
Illa concesso radians Pyropo
Aliti magni Iouis ima gratæ
Cornua pandit.

En vt ignavis Helice pruinis
Vincta captiuo Tibi seruit Astro!
Et triumphalem cupiat Bootes
Ducere currum.

Mille Te cinctus iaculis Gelonus
Horret, ac vultu gelidum retorto
Puluerem lambit, tremuloq; nomen
Poplite adorat.

Castra Threïssis furiosa signis
Marte sternuntur Lechico; rebellis
Parthus, (ô scenam!) iacuit nitrata
Nocte sepultus.

Hactenus Cressis validus pharetris
Et venenata grauior sagitta
Corde periuro stolidas Sicamber
Coxerat iras:

Nunc superiectis trepidi timoris
Stringitur nodis, ubi victa tela,
Et putri tabo rubuisse vastum
Aspicit Istrum.

Impios belli dolet acris ausus
Martis incerti rabiemq; culpat,
Cum subit vanâ Lechiæ paratam
Arte ruinam.

Colla ferali redimit Cupresso
Et graues serò renouat querelas,
Vera pro fictis simulans relati
Signa pudoris.

Hosticas

Hosticas rident Aquilæ sarissas
Lechicæ; terret validum Tyranni
Nil furor Martem; licet arma fosso

Eruat Orco.

Ferreas Moschus statuatur phalangas,
Aggeres ducat tumulandus altos;
Sentiet tandem vigili Polonum

Te duce ferrum.

Dum furit cæco crepitans tumultu
Sudus in colles Aquilo cauatos
Nonnè iam flabro inualidus tepenti

Sibilat Eurus?

Vt Vago frustra reboat susurro
Caurus explorans maris antra, damnat
Hispidas furdâ quoties procellas

Nereus aure.

Sic ferox acres lituos laceffit
Moschus, ereptis feriendus hastis,
Viribus nostras validis paratus

Frangere vires.

Stans velut fuscis inimica nimbis
Ismari rupes, titubante noster
Hoste REX Victor numerat recentes
Ense triumphos.

REX Trionali metuende cælo
Inter inuictos numerande quondam
Lechidûm Reges! Lechici perennis
Gloria sceptri!

Inclyti firmum columen senatus,
Cracici primum columen Lycæi,
Gratius Phæbi radiis Polono
Sydus olympto.

Turbinum tristi senio grauata
Perditam reddens Aquilæ iuventam
Sæcla Tu demum meliore signas
Nostra metallo.

Iam pauor nostris siluit molestus
Partibus, vultu volucris sereno
Versa fors spondet meliora priscis
Gaudia votis.

Innocens

Innocens toto dominatur orbe
Lechico plausus, tria Gratiarum
Ora coniungens niueo reportat
Gloria curru.

Molibus cælo tumidus propinquis
Hostis eiectus, iuga montiumq;
Capta; quod ducit grauius, relictis
Cæditur armis.

Succidit durâ haud aliter bipenni
Montibus cellis abies recisa,
Rapta vel currunt pluuiæ niuosis
Stagna pruinis.

Spumei rubro lacrymantur amnes
Accolas planctu miserè preemptos,
Lata iam pridem maduere viso
Arua cruore.

Balneo Mauors rubet insolenti,
Pascitur suaui Libitina færelo
Lætus ad Lethen stygiæ moratur
Portitor vndæ.

Turpe

Turpe desertos putrefit per agros
Lemnæ monſtrum chalybis cadauer
Inq; noſtrates iterum rebellem
Lampada torquet.

Martiis paſſim latitant vorandæ
Hinc lupis prædæ; tumultantur illinc
Cara probroſis ſpecubus caduco
Pabula vermi.

Funerum ſurgunt memores acervi
Fæderis rupti malè, perfidiq;
Martis ultores, totidem futuro
Symbola ſêclo.

Ora non vanum Latialis omen
Cæpit ex parui tumulo catelli
Juſta quàm contra Arſacias moueret
Bella cateruas.

Anxiæ Caſtor fuit omen vrbi
Omen & Pollux; equites togato
Ante non viſi populo, & triumpho
Signa futuri.

Dextra

Dextra sed dextrum Tua pollicetur
Exitum ciui meliùs Polono :
Quæ diu ferro satis vfa, fceptri
Exerit aurum.

Aleam versent licet & sinistra
Sapè Bellonæ, teneantq; fata :
It tamen forti superûm triumphans
Numine mucro.

Scilicet iustâ famulante maior
Dexterâ Mauors clypeoq; crescit ;
Fortium ferro citius coruscat
Gloria Regum.

Marte bellatrix periit sagato
Roma : Cadmææ cecidêre Thebæ
Marte : funestas Priamêia sensit
Troia fauillas.

Moscuaë nostro Furor ense fractus
Ipse felices numerabit annos ?
Ipse non tradi rapidis dolebit
Pergama flammis?

B

In nouos

In nouos crescens rediuiua vultus
Hydra Lernæam reparet cateruam,
Millies fætâ generet recentes
Fronte colubros.

Rupe monstrosum eliciente partum
Matre Busiris genitus: feroq;
Caucasi succo madidus cruentas
Excitet aras.

En venenatam Lechicus resumptâ
Hercules Hydram iugulare clauâ
VLADSLAVS pergit, Mareoticosq;
Conterit enses.

Eia REX pressum metuendus hostem
Opprime, augustos gemina triumphos,
Sors fauet sceptris, fauet ipse pigræ
Arbiter vrsæ.

Diua Te Magni genitrix Tonantis
Virgo Phæbæum superans nitorem
Roboret, viresq; trucem valentes
Armet in hostem.

Lechici

Lechici claræ Imperii lucernæ
Dulce Patroni decus, ô colendi
Semper & culti Tua, quod precamur,
Vota secundent.

Craciæ Præsul rigido Tyranni
Ense concisus, precibus rogatam
Porrigat dextram populi; ferumq;
Sternat agema.

Tu simul Gneznæ veteris Patrone
Lanceis septem, furiis Borussi
Fosse, placatus bona bella castris
Posce Polonis.

Cracidûm viuax Academiæq;
Splendor, augustam geminare Canti
Perge fortunam, Lechicosq; cælo
Scribe triumphos.

Omnibus palmas referat paratas,
Integer victo rediens Tyranno
Hauriat plausus, sacra vinciatq;
Tempora lauro.

Te suis Arctos meritum Corymbis
Victa, REX, donet, Dominumq; noscat,
Morte venalem tibi læta necit
Patria quercum.

Vitrei riuus Tibi diues Hermi
Prodigus laudes tibi fundet Arnus,
Nec Thetis virgo premet ista muto
Ore trophæa.

Sol vbi primum resupinus ortum
Aspicit, glaucos vel vbi Beryllos
Fundit, aut pulchro viduat ferenos
Lumine cyclos.

Fætā pennatis volitans quadrigis
Fama rumorū Tua gesta dicet,
Ensis Orator Tua scribet albis
Nomina fastis.

Docta disiunctas peragrarē gentes,
Docta victrices referare lauros,
Te vehet curru celeri per omnem
Gloria mundum.

FINIS.

344.11.457

Biblioteka Jagiellońska



stdr0009760

